

DIOGEN pro culture magazine & DIOGEN pro art magazine -ISSN 2296-0929; ISSN 2296-0910

Publisher online and owner, Sabahudin Hadžialić, MSc

E-mail: contact_editor@diogenpro.com / WWW: <http://www.diogenpro.com/>



Magazin za kulturu, umjetnost, nauku i obrazovanje / Magazine for culture, art, science and education

Sanela Salibašić

ZNANJE JE JEDINI PRAVEDNI SUDAC

*Zar nije tačno da sve što živi ožiljak ima,
a naša je sudbina od Jesenjinove teža.*

*Prošlost je nabujala rijeka događaja,
koja pokosi bez milosti travu budućnosti kraj obala.*

*Šta je prošlost do istina neosporna,
koju budućnost može napadati.*

*Budućnost je treptaj prošlosti od neznanja,
a, neznanje se često ismijava sa prošlošću,
sve do trenutka dok ne učini da je izbriše zauvijek.*

*Prošlost je istina, tko traži istinu taj
otvara riznicu blaga prošlosti,
nek' Vam jasno bude svima.*

*Knjiga koju držimo u ruci je sadašnjost,
to što držimo u ruci samo je dio budućnosti
koja će još dugo da spava.*

*Ali onaj koji držeći knjigu sadašnjosti u ruci,
pokloni trenutak da pročita riječi
kojim je udahnuta duša hartiji papira,
bit' će obogaćen znanjem o prošlosti
da bi bio budan u budućnosti.*

*Riječi su vječita boljka,
i čudan sklad u rukama pisca,
magična slika jednoga pera
oslikana slovima, ovječena osjećajima.*

*I neka Padišah klekne na koljena
pred otmjenim svijetom što život daje
neka se osvrnu svi za hartijom
koja je mrtva, a, vječno traje.*

*I kuda nam idu staze, zar u tamu?
Šta je to narod bez riječi i djela?
Neka te obasja osjećaj dobrote
kada čitaš povijesna pisma.*